

**CONVENIO DE COLABORACIÓN ENTRE A CONSELLERÍA DE SANIDADE, O
SERVIZO GALEGO DE SAÚDE E DORAL RESIDENCIAS GESTIÓN SOCIO SANITARIA
SL PARA A ORGANIZACIÓN DA PRESTACIÓN FARMACÉUTICA NOS CENTROS
RESIDENCIAIS DE MAIORES E DISCAPACITADOS DORAL RESIDENCIAS**

MEMORIA XUSTIFICATIVA

O xerente do Servizo Galego de Saúde, **DECLARA:**

Que o Servizo Galego de Saúde formalizou coa entidade Doral Residencias Gestión Sociosanitaria, SL o instrumento convencional arriba referido por un período de vixencia de cinco anos a contar dende o día seguinte ao da súa sinatura, podéndose prorrogar por períodos anuais mediante acordo expreso das partes, formalizado cun mes de antelación ao vencemento do prazo inicial ou de calquera das súas prórrogas.

Que o instrumento convencional ten por obxecto:

Que a prestación farmacéutica aos usuarios do Servizo Galego de Saúde residentes nos Centros Residenciais de Maiores e Discapacitados Doral Residencias, se realice de xeito eficaz, eficiente, integrado e coordinado cos outros niveis asistenciais, tendo en conta o establecido na Lei 5/1999, do 21 de maio, de ordenación farmacéutica.

Que existe converxencia de intereses entre as entidades asinantes en orden á consecución do obxectivo referido.

Que o instrumento convencional que se asina se fundamenta no seguinte:

A Consellería de Sanidade a través do Servizo Galego de Saúde é responsable da prestación farmacéutica aos seus usuarios.

A entidade DORAL RESIDENCIAS GESTIÓN SOCIO SANITARIA SL, é unha entidade prestadora de servizos sociais, inscrita no Rexistro Único de Entidades Prestadoras de Servizos Sociais co número de rexistro E1700.

O programa de atención farmacéutica nos centros de servizos sociais fundaméntase no disposto no artigo 31.2 da Lei 5/1999, do 21 de maio, de ordenación farmacéutica de Galicia segundo o cal resulta obrigatorio o establecemento dun servizo de farmacia propio nos centros de asistencia social que teñen 100 camas ou máis en réxime de asistidos. Este precepto posibilita ademais que a consellería responsable en materia de prestación farmacéutica estableza convenios ou acordos con estes centros co fin de asegurar unha mellora na xestión da prestación farmacéutica, tanto dende o punto de vista da seguridade no manexo de produtos farmacéuticos como no da racionalización do seu gasto.

Dende o ano 1998 moitos dos centros de servizos sociais e os hospitais de referencia da área sanitaria na que se ubican veñen colaborando co fin de garantir a cobertura das necesidades farmacoterapéuticas dos usuarios residentes nestes centros, de xeito que o hospital de referencia convértese en provedor dos medicamentos e produtos sanitarios financiados que precisen eses residentes.

Nos centros nos que aínda non está implantado o programa de atención farmacéutica, os usuarios obteñen os recursos terapéuticos que forman parte da prestación farmacéutica a través da súa prescrición, receita médica oficial e posterior dispensación na oficina de farmacia, sendo financiados polo Servizo Galego de Saúde.

O sistema de prestación de atención farmacéutica dende o hospital de referencia aos usuarios do centro de servizos sociais supón tanto un beneficio asistencial para os pacientes, posto que o seguimento da súa farmacoterapia realízase de forma individualizada baixo a responsabilidade dun farmacéutico dos centros asistenciais do

Servizo Galego de Saúde, como unha garantía para acadar unha xestión máis eficiente dos recursos farmacoterapéuticos.

Ámbalas dúas partes recoñecen polo tanto a necesidade de asegurar que a calidade da prestación farmacéutica que reciban os usuarios do sistema que se atopen nos CENTROS RESIDENCIAIS DE MAIORES E DISCAPACITADOS DORAL RESIDENCIAS sexa equiparable á que recibe calquera outro usuario do Sistema Sanitario Público Galego, mediante o establecemento de mecanismos que faciliten o acceso a aquelas prestacións, consonte ao establecido no *Real Decreto Legislativo 1/2015, de 24 de julio, por el que se aprueba el texto refundido de la Ley de garantías y uso racional de los medicamentos y productos sanitarios*, e proporcionen unha mellora da calidade da atención prestada aos usuarios, acadando a súa atención integral e unha utilización eficiente dos recursos.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, do 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional, con exclusión doutras figuras.

E para que conste, asíñase esta memoria, en Santiago de Compostela a 21 de setembro de 2016.